

物、僧言、此村穀多有、此乎宛我供養料、令讀經、獼猴答言、朝庭臣、呪我、而有典、主念之、己物、不免我、我恣不用神典主者即彼、僧言、無供養者、何爲奉讀經、獼猴答言、然者、淺井郡有諸比丘、將讀六卷抄、故我入其智識淺井郡者、同國內有郡也、六卷抄者、是律名也、此僧念、恠隨獼猴語、往告檀越曰、山階寺、滿預大法師、陳猴詭語、其檀越師不受、而言此猴語也、我者、不信、不受、不聽、即將讀抄爲設之頃、堂童子、優婆塞、忿々走來言、小白猴居堂上、纔見九間大堂、仆如微塵、皆悉折摧、佛像皆破、僧坊皆仆、見誠如告、既悉破損、檀越曰、僧更作七間堂、信彼陀我大神、題名猴之語、同入智識、而讀所願、六卷抄、并成大神所願、然後乎、至于願了、都無障難、夫妨修善道、儻得成、獼猴報、故僧勸、催猶不可妨、得惡報、故往昔過去、羅作國王時、制一獨覺、不令乞食、入境不得、七日頃、飢依此罪、報羅睺羅、不生六年、在母胎中者、其斯謂也矣、

〔今昔物語 二十六〕美作國神依獵師謀止生贄語第七

今昔、美作國ニ中參高野ト申ス神在マス、其神ノ體ハ中參ハ猿、高野ハ蛇ニテゾ在マシケル、毎年ニ一度、其祭ケルニ生贄ヲゾ備ケル、其生贄ニハ國人ノ娘ノ未ダ不嫁ヲゾ立ケル、此ハ昔ヨリ近ク成マデ不怠シテ久ク成ニケリ、而ル間、其國ニ何人ナラテドモ、年十六七許ナル娘ノ形チ清氣ナル持タル人有ケリ、父母此ヲ愛シテ身ニ替テ悲ク思ケルニ、此娘ノ彼生贄ニ被差ニケリ、此ハ今年ノ祭ノ日被差ヌレバ、其日ヨリ一年ノ間ニ養ヒ肥シテゾ次ノ年ノ祭ニハ立ケル、此娘被差テ後、父母無限歎キ悲ビケレ共可遁様無事ナレバ、月日ノ過ニ隨テ、命ノ促マルヲ、祖子ノ相見ム事ノ殘リ少ク成行ケバ、日ヲ計ヘテ互ニ泣悲ムヨリ、外ノ事无シ、然ル間、東ノ方ヨリ事ノ縁有テ、其國ニ來レル人有ケリ、此人犬山ト云事ヲシテ、數ノ犬ヲ飼テ山ニ入テ、猪鹿ヲ犬ニ令噉殺テ取事ヲ業トシケル人也、亦心口極テ猛キ者ノ物、恐デ不爲ニテゾ有ケル、其人其國ニ暫ク有ケル間、自然ラ此事ヲ聞テケリ、而ルニ可云事有テ、此生贄ノ祖ノ家ニ行テ云入ル程ニ、延有ニ突居テ、葩ノ迫ヨリ臨ケレバ、此生贄ノ女系清氣ニテ色モ白ク、形モ愛敬付テ、髮長クテ、田舎人ノ娘トモ不